

Urriaren 13an
URTEAN ZEHARREKO 28. IGANDEA

Agurra

Jesu Kristoren grazia eta bakea izan bitez zuekin.

Sarrerako oharpena

Jaunaren egunean, Kristorengan sinesten dugunok, eukaristian biltzen gara Espirituaren eraginez, Aitari eskerrak emateko. Meza santua ospatzeak eskerrona eta gorespina sorrarazten ditu guban, Jainkoak gugatik egin dituen miragarri guztiengatik.

Damu-otoitza

Ospakizuna hastean, gure huts egite guztiez jabeturik, eska dezagun Jaunaren barkamen berritzailea.

—Jesus Jauna, barkamena eta bizia zarena. Erruki, Jauna.

—Jesus Jauna, gure lotura guztientzat askatasuna. Kristo, erruki.

—Jesus Jauna, gizakien ilunaldiak argitzen dituen Argia. Erruki, Jauna.

Erruki dakigula Jainko guztiz ahalsua, eta, gure bekatuak barkaturik, eraman gaitzala betiko bizitzara

Otoitza

**Etor bekigu bidera, Jauna, zure grazia,
eta azkeneraino lagun izan dezagula,
beti on egiteko prest egon gaitezen.
Zure Seme Jesu Kristo gure Jaunaren bitartez,
Zurekin eta Espiritu Santuarekin batean
Jainko eta Errege bizi baita gizaldi eta gizaldietan.**

Hitzaren liturgiari oharpena

Jaunaren salbamena gauza txikienetan sumatzen ikasi behar dugu; benetako salbamena Jainkoa aurkitzean datza eta Haren erreinuaren alde lan egitean. Entzungo dugun Jainkoaren Hitzak laguntzen digu Jainkoa gurekin dela aitortzen.

Lehenengo irakurgaia (2 Erg 5, 14-17)

Erregeen liburutik

Egun haietan, jaitsi zen Siriako Naaman eta zazpi bider murgildu zen Jordanen, Jaungoikoaren gizonak esan bezala; eta haurtxo batena bezain garbi gelditu zen haren haragia.

Itzuli zen berriro bere lagun taldearekin Jaungoikoaren gizonarengana eta, aurkeztuta, honela esan zion: «Orain badakit, ez dela munduan Israelgo Jaungoikoa besterik. Hartzazu, arren, zure zerbitzari honen esku-erakusti bat». Eliseok erantzun zion: «Nire Jaunarengatik! Ez dut hartuko». Naamanek hartzeko berriz ere; baina hark ezetz.

Orduan Naamanek: «Ezezkoan zaudenez gero, utz iezadazu, zure zerbitzari nauzun honi, lur honetatik bi mandokada hartzen; gaurtik aurrera ez baitiot nik, zure morroi honek, Jauna ez den beste jainkori eskaintzarik ete erre-oparirik egingo».

Erantzun-salmoa (Sal 97, 1. 2-3ab. 3cd-4)

I - ku - si du - te lur mu - ga de - nek gu - re Jain - ko -
 a - gan - di - ko ga - rai - pe -



Kanta Jaunari kantu berri,
 egin baititu hainbat harrigarri.
 Bere eskuinak eman dio garaipena,
 bere beso santuak. R/.

Ezagutarazi du Jaunak Beragandiko garaipena,
 agertu du atzerrien aurrean bere zuzentasuna.
 On eta leial izan dela gogoratu du,
 Israel etxeari buruz. R/.

Ikusi dute lur-muga denek,
 gure Jainkoagandiko garaipena.
 Lur osoa, egiozu txalo Jaunari,
 egin oihu eta irrintzi, egin gresi. R/.

Bigarren irakurgaia (2 Tm 2, 8-13)

San Paulo Apostoluak Timoteori

Anaia maite: Gogora ezazu, Jesu Kristo Jauna, Daviden odolekoa, hilen artetik biztua; hau da nire Ebanjelioa. Horregatik nago neketan, gaizkile bat bezala giltzapean erortzeraino. Baina, Jaunaren hitza ez dago giltzapetua. Horregatik daramat nik guztia aukeratuen onerako, Kristok betiko aintzarekin ematen duen salbamena horiek ere irits dezaten.

Benetako hitza: Harekin hiltzen bagara, bizi ere, Harekin biziko gara; neketan irauten badugu, errege izango gara Harekin; ukatzen badugu, Hark ere ukatu egingo gaitu; gu leialak ez bagara, beti leial izango da Hura; ez baitezake bere burua uka.

Aleluia (1 Ts 5, 18)

A - le - lu-ia, a le - lu-ia, a - le - lu - ia.

Eman eskerrak beti;
 hau da zuentzako Jaungoikoaren nahia
 Kristo Jesusengan. R/.

Ebanjelioa (Lk 17, 11-19)**Homiliarako argibideak***Fedeak salbatu zaitu*

Denok izan dugu, gure bizitzan, erabakigarria izan den topaketa bat, gure bizitza aldatu duen bat, askatasun eta sormen iturri izan den topaketa bat. Ebanjelioa, Berri Ona den heinean, hainbat pertsonak Jesusekin izandako **topaketen** narrazioa da. Topaketa batzuetan, Jesusena izan da ekimena, pertsona jakin baten bila joan baita. Beste batzuetan, salbazioa Jesusengan bilatzen duten pertsonen bilatu dute topaketa. Pertsona bakoitzarekin topatzeko gai da Jesus, zintzoarekin eta bekatariekin, esker onekoarekin eta txarrekoarekin. Jesusek presente egiten du Jainkoaren maitasuna. Zintzoei eta bekatariei erakusten zaien maitasuna.

Gaurko ebanjelioan, hamar legendun sendatuko ditu Jesusek (Lk 17, 11-19). Pertsona horien beharra ikusita, Jesusek ez du eskertuko dioten edo ez kalkulatu. Azkenean, bederatzi sendatu egingo ditu, eta bat **sendatu eta salbatu** egingo du. Grezieraz, bi esanahi horiek ditu aditzak. Fedeak salbatzen gaitu; fedea sendatzen gaitu.

Hamar legendun sendatu ditu Jesusek. Jainkoaren onura esperimentatu dute, har bidalitako Jesusen bitartez. Eta hala eta guztiz ere, **naturaltzat** jo dute, zor balitzaie bezala. Ahalik eta lasterren garbi geratzeko kezkatuta, ez ziren geratu Jesusi eskerrak emateko. Sendatu eta gero ere, ez dira euren ongileaz gogoratuko, legendun bat izan ezik, samariar bat, atzerritar izateagatik paganotzat zutena. Paganoak beste bederatzi juduek baino erlijiozentu handiagoa erakutsiko du. Samariarra Jainkoari eskerrak emanaz itzuli zen, Jesusi eskerrak ematera.

Jesusek samariarra goratu eta honela esango dio: fedea salbatu zaitu. Beste bederatziak sendatu zituen, baina ez zituen salbatu. Osasuna berreskuratu zuten, baina ez **bizitzaren zentzua**, Jainkoarekiko harremanean dagoena eta Jesusek presente egiten duena. Fededun kristau bihurtu da samariarra. Lukasek atsegin handiz erakusten du bere irakurleek, jatorriz pagano zirenek, kristau fedea hartu izana eta juduek, berriz, salbaziora deituta zeudenek, baztertu egin izana.

San Paulo judua zen, eta **Jainkoaganako leialtasuna** azpimarratuko du, izakiaren fedegabetasunaren aurrean. Jainkoa leial da beti, ezin baitu bere burua ukatu (2 Tim 2, 8-13). Jesus da Jainkoari "ez" esan dion eta esaten dion bekatariari Jainkoak ematen dion behin betiko baietza. Jesusengan sinestea horren heriotzarekin eta piztuerarekin bat egitea da.

Lehen irakurgaiak beste legendun baten sendatzea erakusten digu, Naaman jeneral siriarrarena (2 Erg 5, 14-17). Fededun izateko haren prozesua motela izan zen, baina profetaren hotza bete eta sendatu orduko, esker ona sentituko du bihotzean. Profeta sarituz erakutsi nahi du, baina konturatuko da hark doan eman diola hark ere doan jasotakoa. Orduan, juduen **fedea**ren **edertasuna** aurkituko du, eta bere herrian eskaini nahiko du. Horretarako, Israelgo lur pixka bat

eramango du, Israelgo Jainkoa gurtzeko. Heren mentalitate paganoak Israelgo jainkoarekin lotzen zuen Israelgo lurra. Gizakien mugek ez dutela Jainkoa mugatzen ikasi beharko du, oraindik.

Kristo Jesusen salbazioagatik Jainko Aitari eskerrak emateko ekintza da gure Eukaristia. Gure bizitzan Jainkoarengandik etengabe jasotzen ditugun dohainetan bizi dugu salbazioa. Jainkoari eta mesedeak egiten dizkiguten pertsonei gure bihotza esker onekoa izan dadin eska diezaiegun.

Jainkoaren herriaren otoitza

Jaunarenganako uste onez beterik egigun otoitz:

- Kristau izateagatik sufritzen dutenek izan dezatela Ebanjelioarekin leial izatearen pozak ematen duen barne-bakea. Eska diezaiegun Jaunari.
- Nazioetako arduradunek izan dezatela egiazaletasuna eta justizia, denon ondasunak zaindu eta banatzerakoan. Eska diezaiegun Jaunari.
- Lurra landuz bizi direnek izan dezatela bere lanaren fruituak egoki jaso eta banatzeko bidea. Eska diezaiegun Jaunari.
- Igandea ospatzera biltzen garenok izan dezagula geroaren gogoz, oraina Jainkoarekin bat eginda bizitzeko grazia. Eska diezaiegun Jaunari.

Oraingo eta geroko bizitzaren sorburu zaren Jainkoa entzun Zure Elizaren otoitzak eta egizu ez dezagula gorputzeko osasuna bakarrik bilatu; igande honetan bildu garenok gora zaitzagula fedearen dohainagatik eta Eliza osoa izan dadila Kristogan ari duzun salbamen egintzaren testigu. Errege bizi baita gizaldi eta gizaldietan.

Jaunartze-ondorengo otoitza

**Gure Jainko handia,
apalki eskatzen dizugu,
zure Semearen gorputz-odol santuez
janaritu gaituzunok
Berarekin bat egin gaitzazula zeure jainkotasunean.
Jesu Kristo gure Jaunaren bitartez.**